



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. Cl. Missæ Sacrificvm Est Hilastirium seu propitiatorium, quo offensus placatur & conciliatur Deus.

urn:nbn:de:hbz:466:1-42349

ostendam illi salutare Dei. Hoc, inquit, salutare Dei est ipse Christus. Quod est autem sacratius laudis sacrificium, quam in actione gratiarum? Et unde maiores agenda sunt Deo gratias, quam pro ipsius gratia per Iesum Christum Dominum nostrum? Quod totum fideles in Ecclesia sacrificio sciunt, cuius umbra fuerunt omnia priorum genera sacrificiorum. S. Iustinus Philosophus & Martyr in dialogo cum Tryphone. A nemine, inquit, Deus victimas nisi per Sacerdotes suos accipit. Unde certo constat, quod huius nominis sacrificia, quae Iesus Christus tradidit, hoc est, Eucharistiam panis & poculi, ubicumque terrarum apud Christianos fiant, Deus accipiat, ea grata sibi esse testetur. Et Apolog. 2. ubi de summo à precibus, offertur Antistiti frustum panis, & calix aquae & vini diluti, atque ita is capiens laudem, & gloriam Patri omnium rerum, per nomen Filii & Spiritus sancti enunciat, offert, pariterque benedictionem in longum facit.

§. Gratè igitur & meritò hoc diuinæ laudationis & gratiarum actionis sacrificium quotidie audiant & offerant, qui quotidie tot donis & muneribus à Deo cumulantur.

CAP. CI.

MISSÆ SACRIFICIUM EST HILASTIRIUM seu propitiatorium, quo offensus placatur & conciliatur Deus.

Saluator in cruentum & cruentum, in remissionem peccatorum nostrorum, Deo oblatum sacrificium. 109. offerens hoc in vltima cœna Sacrificium dixit: Ad obtinendam peccatorum veniam sancti sacrificauerunt.

§. **E**ST piaculare & Deum propitians Sacrificium. Omnis enim Pontifex constitutus, ut offerat dona & sacrificia pro peccato Heb. 5. v. 1. quare & Christus Dominus Sacerdos in æternum secundum ordinem Melchisedech Psalm. 109. offerens hoc in vltima cœna Sacrificium dixit: Hoc est corpus meum, quod pro vobis datur. Hic est sanguis meus, qui pro vobis funditur in remissionem peccatorum. Unde hæc SS. Patrum dicta S. Iacobi in Lyrurgia: Offerimus tibi

tribuentum sacrificium pro peccatis nostris & ignorantis populi. S. Iustinus in dialogo cum Tryphone: Eucharistia offertur pro expiatione peccatorum. Orig. homil. 13. in Leuit. Ista est commemoratio sola (qua Christus iussit Eucharistiam confici in sui memoriam Luc. 22. v. 19. I. Cor. 11. v. 24.) qua propitium facit Deum hominibus. S. Athanasius in serm. pro defunct. apud Damascenum: Incruenta aut hostia oblatio, propitiatio est. Basil. in Liturgia, Effice nos dignos, qui offeramus hoc sacrificium reuerendum ad abolenda delicta nostra, & pro piaculo populi tui. Chrys. in Liturgia. Idoneos nos redde, ad offerenda tibi sacrificia pro peccatis nostris & populi ignorantis. Qui idem Chrysost. lib. 6. de Sacerdotio: Sacerdos, inquit, pro vniuerso terrarum orbe legatus intercedit, deprecator est apud Deum, ut hominum omnium non viuentium modo, sed etiam defunctorum peccatis propitius fiat. Alexander Primus Pontifex & Martyr epistola 1. ad omnes orthodoxos c. 4. Crimina atq; peccata oblatis his Domino sacrificiis delentur, Et iterum. Talibus hostiis delectabitur & placabitur, & peccata dimittet ingentia. Nihil enim in sacrificiis maius esse potest quam corpus & sanguis Christi. S. August. quest. 57. in Leuit. Illis sacrificiis quæ pro peccatis offerebantur, vnum hoc sacrificium significabatur, in quo vera sit remissio peccatorum. Et serm. 11. de Sanctis, qui est 4. de Innocentibus. Ibi, in altari, pro peccatoribus Christi sanguis effunditur. S. Gregor. libr. 4. dialog. c. 58. Hac victima singulariter ab eterno interitu animam saluat.

§. Cum igitur hoc salutari sacrificio venialia peccata condonentur, & ad mortalia confessione dolenda contritio tribuatur, & ad eadem vitanda gratia concedatur, qui omni die multijuges culpas contrahunt, rectè etiam hoc sacrificio eas omni die audiendo vel faciendo expiant, vbi est Christus propitiatio pro peccatis nostris.

Missa sacrificio tribuitur peccatorum impunitas & animæ salus.

Qua ratione Missa sacrificio peccata condonentur.